

Kalaallit Nunaanni atuuttussatut ataatassarsiuinernut anaanaaqataasussarsiuinernullu atatillugu inatsisit tunngavigalugit inuup sananeqaatai atorlugit misissuinissanut nalunaarut

Meeqqanut inatsimmi § 33, imm. 1., kunngip peqqussuteqarneratigut Kalaallit Nunaannut atuuttussanngortitaq nr. xx., marts 2024-imeersoq naapertorlugu, aaliangerneqarpoq:

Naalagaaffiup sinniisua

§ 1. Peqqusummi § 11 naapertorlugu inatsisit malillugit inuup sananeqaataanik tunngaveqartumik misissuisoqassatillugu, Naalagaaffiup sinniisuata aalajangissavaa, misissuineq qanoq ingerlanneqassanersoq sumilu misiligutissat misissugassat pisariaqartinneqartut tiguneqassanersut.

Eqqartuussivik

§ 2. Peqqusummi § 18, tak. § 11 tunngavigalugu inuup sananeqaatai aallavigalugit misissuisoqarniaruni, taava eqqartuussiviup aalajangissavaa, misissuinerit qanoq ingerlanneqassasut, sumilu misissugassatut tigusinerit ingerlanneqassasut.

Misiligutinik misissugassanik il.il tigusinissani maleruagassat tamanut atuuttut

§ 3. Inuup sananeqaatai tunngavigalugit misissuinissan nalinginnaasumik misiligutinik misissugassanik marlunniq tigusisoqartarpooq. Taakkulu sapaatip akunneranik ataatsimik akunnilerlugit tiguneqarajuttarlutik.

Imm. 2. Imm. 1-imi qanorluunniit allassimasoqaraluarpat misissugassat immikkut tunngaveqartoqartillugu ullormi ataatsimi tiguneqarsinnaapput, tigusinerit sulisunit assigiinngitsunit ingerlanneqartassapput. Misissugassatut tiguneqartuni ataasiakkaani taamatut iliortoqartinnagu inuup tigusiffinginarneqartup kinaanera misissorneqartassaaq, tak. § 4, imm. 1.

§ 4. Inuit §§ 1 aamma 2 aalajangersakkat naapertorlugit sananeqaatit tunngavigalugit misissuinerni ilaasut, misissugassanik tigusinernut atatillugu

kinaassutsiminnik uppersarsaammik takutitsissapput assitalimmik, takuulli imm. 2. Oqaaseqaat siulleq meeqqamut atuutinngilaq.

Imm. 2. Inuk taaneqartutut misissuinissami ilaasoq, inunngornermut-kuisinnermut allagartamik, inunngornermut- atertaarnermut allagartamik imaluuniit assingusumik takutitsisinnaavoq, assitalimmik kinaassutsimik takutitassaqanngikkuni.

Imm. 3. Angutit, pineqartuni ilaasut, misissugassamik tigusiffigitinnerminnut atatillugu assilineqassapput. Tamanna aamma pissaaq anaannaqataasoq kinaassutsimut uppernarsaammik assitaqanngitsumik takutitassaqarpat, tak. imm. 2. Ullup ataatsip iluani ataatsimit amerlanerusunik misissugassanik tigusisoqarpat, tak. § 3, imm. 2, pineqartoq ataasiaannarluni assilineqassaaq.

Imm. 4. imm. 3, 1. aamma pkt. 3, atorneqassaaq inunnut allanut, taakku §§ 1 aamma 2 naapertorlugu inuup sananeqaataanik tunngaveqartumik arlaatigut pisariaqartitsisoqarnera peqqutigalugu misissornejcarunik.

§ 5. Taaneqartutut misissuinerit inernerri naammassippata, Naalagaaffiuup sinniisaa eqqartuussivik aqqutigalugu peqataasunut paasissutissiissaq.

Imm. 2. Assilisat, § 4, imm. 3 aamma 4 taaneqartut, inuup sananeqaatai tunngavigalugit misissornerata inerneranik saqqummiussinermi ilangunneqassapput suliallu ingerlaqqinnerani taakku suliamut attuumassuteqartunut saqqummiunneqarsinnaallutik.

Atuutsitsilernermi ikaarsaarnermilu aalajangersakkat

§ 6. Nalunaarut atuutilersinneqassaaq ulloq 1. april 2024.

Imm. 2. Nalunaarut atorneqassaaq, kunngip peqqussuteqarneratigut meeqqanut inatsit, Kalaallit Nunaannut atuuttussangortitaasoq, atorneqarpat.

Social-, Bolig- og Åldreministeriet, ulloq 27. marts 2024

PERNILLE ROSENKRANTZ-THEIL

/Henriette Braad Olesen

